

臨晉縣志

趙昌燮題

臨晉縣志

重修臨晉縣志序

民國九年夏予由榆次調宰臨晉下車卽詢訪縣志乃知自清光緒庚辰續修後迄今四十餘年匪特原版被兵被水散佚無存卽成書之存諸故家者亦絕無僅有今失不修後將無徵矣商諸邑紳僉稱經費難籌人才尤乏又商之雁門道尹許公海瀾公曰是吾志也惟比歲不登不宜斂諸民吾子具此熱忱吾敢不以桑梓爲念慨捐俸千圓屬予主其事予以經費有着不足者予任之惟秉筆者實難環顧邑中士紳或宦遊他鄉或職務殷繁無暇及此不

得不借材異地檢閱鄰封邇年新志以趙君意空所纂之鄉寧志爲最愛倩友人輾轉介紹趙以精力就衰而主人又期其速成復推舉泰興宿學于君廷梁副之議定於是集合城鄉士紳並縣署掾屬區長分任採訪予爲依類彙輯函寄二君編纂創始於十年仲冬脫藁於十二年春出版於是年冬惜乎書成而許公不及觀蓋十一年冬已歸道山矣此籌款任人之始末也攷庚辰舊志爲邑令艾紹濂續修蓋續乾隆三十八年王正茂志也以百年之久所續僅兩卷簡漏已甚乾隆志徒尙詞華糅雜事實以遷就

其騷賦各體未可爲訓溯乾隆以前萬厯癸卯有荆養喬志康熙丙寅有王恭先志今皆無存惟寥寥數條散見於王志雜記中耳庚辰而後世變滄桑兵燹頻仍案卷悉燬今茲採訪徵信實難計惟詳其所略去其所疑覆查細審至於再至於三又予之責也編輯宗旨甯簡毋繁甯缺毋濫甯純樸毋粉飾舉前志一切廓清改絃更張另定體例於舊者不敢輕刪於新者彌加慎重此因革損益之籌畫也以云體例民國六年有省公署頒發條例核與鄉甯志例無甚出入開辦之初趙君草志例商榷一冊寄予予質

諸邑中士紳士紳無異議又函致許公許公稱善約言之
大綱凡六一曰圖舊圖粗略萬不適用欲其至精至準非
實行測量不可而測量則曠時既久需費過鉅今以力所
能至者爲圖凡二總圖一城廂圖一二曰攷凡繪圖者必
附說以明之而往往限於篇幅仍弗詳盡繼之以攷而圖
可釋矣攷凡六沿革疆域區村山川城邑溝渠殆圖經之
遺意也三曰略古之爲圖經者山川土地而外其他事物
各自爲書不相廁雜班志地理及於戶口風俗范志物產
舉要鹽鐵便觀覽矣故蒙圖攷而以略次之略凡七物產

賦稅生業禮俗學制軍政公款四曰譜地土事物既昭著
矣爲政在人官師者行政者也士紳者一邑之矜式也各
依次橫列爲譜凡二曰職官譜前代文武教雜各職及改
革後知事掾屬各職以時代之先後次之曰科名選舉學
校畢業譜昔者制科取士國家所以儲異等之才弗可湮
也譜科名科舉廢而後有選舉有學校畢業皆所以別於
齊民也譜選舉譜學校畢業五曰錄蒙譜爲錄譜但載其
姓名錄則詳其事績錄凡三繭絲保障功德在民所謂古
之遺愛也首名宦前言往行後生之觀法也恭敬桑梓亦

所以教後生毋咈耆長也次鄉賢繫惟婦女陰教是覘風化所繫舊志但採其節孝貞烈非廣義也茲更採其有士行卓著者進而褒焉次列女六日記記與攷似同而實異攷以稽古記以述事通志例也記凡四曰古蹟曰金石曰舊聞皆所以存故實也其無類可入而又不可沒滅者曰雜記一邑之事大較備矣而終之曰選立言者不朽之一言之無文行而不遠著作也詩文也皆國粹宜保存也選凡三曰書選曰文選曰詩選此商訂體例之大凡也書成例有序言弁於簡端予弗能文第序其經過情形如此昔

聖人說禮深惜夏殷賢相入關先收圖籍方今世變亟矣
文獻岌岌將墜詩云雖無老成人尙有典型傳曰禮失而
求諸野此許公之所以不惜鉅資而予得與邑人樂觀厥
成也民國十二年癸亥冬月紹興俞家驥謹識

終

重修臨晉縣志姓氏

主修

四等嘉禾章任命陽曲太原調署榆次臨晉等縣知事

俞家驥

浙江興縣人

二等大綬嘉禾章原任雁門道道尹清光緒癸卯科舉人

許鑑觀

本邑人

纂修

清陝西漢陰廳通判癸卯科副貢

趙意空

原名圻年貴州人本籍江蘇

山西督軍公署秘書清諸生

于廷梁

江蘇興縣人

採輯

三等桐葉獎章縣署承政員

楊廷俊

本省城縣人

銀色雙穗獎章縣署主計員

姚杰

江蘇丹徒縣人

四等義賑獎章縣署承審員

武尊益

本縣人

金色教育獎章縣署視學員

楊高堂

本縣人

縣署實業技士

馮治清

本縣人

金色雙穗獎章縣署宣講員

高銘瑛

本縣人

五等銀色義賑獎章警佐兼第一區行政長

賀天祥

本省人

銀色雙穗獎章第二區行政長兼警佐

郭禎

本省人

五等銀色義賑獎章第三區行政長兼警佐

劉鵬遠

本省人

第四區行政長兼警佐

趙若水

本省人

五等銀色義賑獎章第五區行政長兼警佐

李輔臣

直隸人

本省紀念獎章清光緒庚子辛丑併科舉人

王紹珍

本邑人

蒲坂中學校歷史教員清廩膳生

賈克勤

本邑人

育嬰堂經理清附生

許毓梓

本邑人

金色雙穗獎章地方公款局經理清優增生

張青選

本邑人

金色教育獎章勸學所勸學員

陳向明

本邑人

考取河東道試俊士清貢生

杜友蘭

本邑人

河南候補知縣清光緒戊子科舉人

李樹嶠

本邑人

北京法政專門學校畢業清附生

姚守質

本邑人

第三高小校教員清附生

王若謙

本邑人

清

附

生

張希仲

本邑人

金色菊花獎章縣商會會長

王宦章

本邑人

清

附

生

王天恩

本邑人

許家莊國民學校教員清附生

王作敬

本邑人

銀色雙穗獎章縣署書記員

李夢龍

本邑人

督校

山西大學校教員北京大學哲學科文學士

許振甲

本邑人

繪製草圖

清

附

生

郭興唐

本邑人

臨晉縣志卷一

攷一

沿革攷

郡邑名稱代有更易歷朝建置分合靡常志輿地者必詳攷其累代名稱之異同與夫隸屬之系統區域劃分歸併之始末乃能確定其疆域之位置通志於輿地之沿革旣繪爲圖又復爲之譜爲之攷詳之又詳誠以茲事所關至鉅非可苟焉已也惟臨邑故址至春秋時始有定名漢之世乃與他邑合併爲縣厥後名旣屢變而與他邑時分時

合其間犬牙相錯稽核爲難欲強製一圖徒滋疑議夫沿革既無圖以明之則攷必須稍加詳析今採輯諸志舊說之可宗者附以近世變遷之略迹以冠於諸篇之首又依時代次序橫列之以標別於後庶眉目較清閱者易於明瞭至臨晉有二其見於秦漢之際者則在陝西同州一統志誤引之以當今之臨晉非也王氏恭先辨之審矣今之臨晉在河東凡關於河西臨晉援引詮釋之詞概弗闌入

按臨晉古冀州地當雷首北

或曰古邑國黃帝臣張造所封故邑有東西張之遺

必然荒渺難稽說近附會
必據以爲實則鑿矣

至春秋時屬晉爲桑泉

春秋傳秦伯圍